

精校

張

氏

醫

通

上海錦章書局
出版

傷寒古鑑

傷寒兼証析義

診案三昧

自序

嘗讀仲景書。止言舌白胎滑。並無黃黑刺裂。至金鏡錄始集三十六圖。連後觀舌心法。廣至一百三十有七。何後世症變之多若此。宜知傷寒自表傳裏。舌胎必由白滑而變他色。不似伏邪瘟疫等。熱毒自內達外之一病。便見黃黑諸胎也。觀仲景論中。一見舌白胎滑。即言難治。安有失治而致變者乎。所以仲景止言白胎已見一斑。不煩瑣屑。後人無先聖治未病之能。勢不得不反覆辨論。以啟蒙昧。蓋邪氣入裏。其虛實寒熱之機。必現于舌。非若脈法之隱而不顯也。況陰盛格陽。與邪熱鬱伏。多有假症。假脈。惟驗舌上胎色之滑燥厚薄。昭若冰鑑。無所遁形。由是取觀舌心法。正其錯誤。削其繁蕪。汰其無預于傷寒者。而叅入家大人治按所紀。及己所親歷。共得百二十圖。命曰傷寒舌鑑。授之剞劂。以公同志。臨症之一助云。

康熙戊申如月。誕先張登書於雋永堂。


傷寒舌鑑

長洲張登誕先案纂

白胎舌總論

傷寒邪在皮毛。初則舌有白沫。次則白涎。白滑。再次白屑。白疱。有舌中舌尖舌根之不同。是寒在表。經之脈甚也。舌乃心之苗。心屬南方火。當赤色。今反見白色者。是火不能制金也。初則寒鬱皮膚。毛竅不得疏通。熱氣不得透泄。故惡寒發熱。在太陽經。則頭痛身熱。項背強。腰脊疼等症。傳至陽明經。則有白腐滿舌。雖症有煩躁如脈浮緊者。猶當汗之。在少陽經者。則白胎白滑。用小柴胡湯和之。腎虛者。理中湯溫之。如白色少變黃者。大柴胡大小承氣分輕重下之。白舌亦有死症。不可忽視也。

微白滑胎舌




寒邪初入太陽頭疼身熱惡寒舌色微白有津香蘇散羌活湯之類發散之

厚白滑胎舌




病三四日其邪只在太陽故胎純白而厚却不乾燥其症頭疼發熱脈浮而緊解表自愈

白胎黃心舌



此太陽經初傳陽明府病舌也若微黃而潤宜再汗待胎燥裏症具則下之若煩躁嘔吐大柴胡湯加減亦有下淡黃水沫無稀糞者大承氣下之

薄白滑胎舌




此太陽裏症舌也二三日未曾汗故邪入丹田漸深急宜汗之或太陽與少陽合病有此舌者柴胡桂枝湯主之

乾厚白胎舌




病四五日未經發汗邪熱漸深少有微渴過飲生冷停積胸中營熱胃冷故令發熱煩躁四肢逆冷而胎白乾厚滿口白屑宜四逆散加乾姜

白胎黃邊舌




舌中見白胎外有微黃者必作泄宜用解毒湯惡寒者五苓散

舌滑白邊半



白胎見於一邊無論左右皆屬半表半裡並宜小柴胡湯左加葛根右加茯苓有欬嗽引脇下痛而見此舌小青龍湯夏月多汗自利人參白虎湯

舌乾刺黑滿胎白




白胎中生滿乾黑芒刺乃少陽之裏症也其症不惡寒反惡熱者大柴胡加芒硝急下之然亦危症也

舌心黑胎白乾




此陽明府兼太陽舌其胎邊白中心乾黑者因汗不微傳至陽明所致必微汗出惡寒脈沈者可下之如二三日未曾汗有此舌必死

舌滑白結藏



或左或右半邊白胎半邊或黑或老黃者寒邪結在藏也黃連湯加附子結在咽者不能語言宜生脈散合四逆湯可救十中一二

舌心黑胎滑白




白胎中黑為表邪入裏之候大熱譫語承氣等下之倘食復而發熱或利不止者難治

舌刺灰尖胎滑白




此陽明府兼少陽舌也三四日自利脈長者生弦數者死如有宿食用大承氣下之十可全五

白胎雙黃舌




此陽明裏症舌也黃乃土之色因邪熱上攻致令舌有雙黃如脈長惡熱轉失氣煩躁者大柴胡調胃承氣下之

白胎黑根舌




舌胎白而根黑火被水剋之象雖下亦難見功也

白胎黑斑舌




白胎中有黑小斑點亂生者乃水來剋火如無惡候以涼膈散承氣湯下之十中可救一二

白胎雙黑舌




白胎中見黑色兩條乃太陽少陽之邪入於胃因土氣衰絕故手足厥冷胸中結痛也理中湯瀉心湯選用如邪結在舌根咽噎而不能言者死症也

白胎黃根舌




邪雖入裏而火白未黃不可用承氣宜大柴胡加減下後無他症安卧神清可生倘再有變症多凶

白胎燥裂舌




傷寒胸中有寒丹田有熱所以舌上白胎因過汗傷營舌上無津所以燥裂內無實熱故不黃黑宜小柴胡加芒硝微利之

白胎變黃舌



少陽症罷初見陽明裏症
故胎變黃色兼失氣者大
柴胡湯下之

白胎尖紅舌




滿舌白滑而尖却鮮紅者
乃熱邪內感而復感客寒
入少陽經也小柴胡湯加
減

白胎雙灰色舌




此挾冷食舌也七八日後
見此舌而有津者可治理
中四逆選用無津者不治
如乾厚見裏症則下之得
湯次日灰色去者安

白尖紅根舌



舌尖白邪在半表半裏
也其証寒熱耳聾口苦脇
痛脈弦小柴胡湯和解之

白胎中紅舌




此太陽初傳經之舌也無
汗者發汗有汗者解肌亦
有少陽經者小柴胡湯加
減

白尖中紅黑根舌



舌尖白而根反黑少陽邪熱
傳厥熱極而傷冷飲也如水
停津液固結而渴者五苓散
自汗而渴者白虎湯下利而
渴者解盡湯如白尖少黑根
多中不甚紅者難治

白胎尖灰根黃舌



黃

白

灰

此太陽濕熱併于陽明也如根黃色潤目黃小便黃者茵陳蒿湯加減

白胎尖俱黑舌



黑

白

黑

舌根尖俱黑而中白乃金水太過火土氣絕于內雖無凶症亦必死也

熟白舌



純熟白

白胎老極如煮熟相似者心氣絕而肺色乘於上也始因食瓜果冰水等物陽氣不得發越所致為必死之候用枳實理中問有生者

白胎如積粉舌



胎如積粉

此舌乃瘟疫初犯募原也達原飲見三陽表症隨經加柴胡葛根羌活見裏症加大黃

淡白透明舌




透明

年老胃弱雖有風寒不能變熱或多服湯藥傷其胃氣所以淡白透明似胎非胎也宜補中益氣加減治之

黃胎舌總論

黃胎者裏症也。傷寒初病無此舌。傳至少陽經亦無此舌。直至陽明府實。胃中火盛。火乘土位。故有此胎。要分輕重瀉之。初則微黃。次則深黃。有滑甚則乾黃。焦黃也。其症有大熱大渴便秘譫語。痞結自利。或因失汗發黃。或畜血如狂。皆濕熱太甚。小便不利所致。若目白如金。身黃如橘。宜茵陳蒿湯五苓散。梔子檳皮湯等。如畜血在上焦。犀角地黃湯。中焦。桃仁承氣湯。下焦。代抵當湯。凡血症見血則愈。切不可與冷水飲之。必死。大抵舌黃症雖重。若脈長者。中土有氣也。下之則安。如脈弦下利。舌胎黃中有黑色者。皆危症也。

純黃微乾舌



黃

舌見黃胎。胃熱之極。土色見於舌端也。急宜調胃承氣下之。遲則恐黃老變黑。為惡候耳。

黃乾舌



乾黃

舌見乾黃。裏熱已極。急下勿緩。下後脈靜身涼者生。反大熱而喘。脈躁者死。

微黃舌胎



微黃

舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。


黃胎黑滑舌



黑滑

舌黃而有黑滑者。陽明裏症具也。雖不乾燥。亦當下。之下後身涼脈靜者生。大熱脈躁者死。

黃胎黑斑舌




黃胎中亂生黑斑者其症必大渴譫語身無斑者大承氣下之如脉濇譫語循衣摸床身黃斑黑者俱不治下出稀黑糞者死

老黃隔辦舌




舌黃乾濇而有隔辦者乃邪熱入胃毒結已深煩躁而渴者大承氣湯發黃者茵陳蒿湯少腹痛者有瘀血也抵當湯結胸大陷胸湯

黃胎灰根舌




舌根灰色而尖黃雖比黑根少輕如再過一二日亦黑也難治無煩躁直視脉沈而有力者大柴胡加減治之

黃胎中黑通尖舌




黃胎從中至尖通黑者乃火土燥而熱毒最深也兩感傷寒必死惡寒甚者亦死如不惡寒口燥咽乾而下利臭水者可用調味承氣湯下之十中可救四五口乾齒燥形脫者不治

黃尖舌







舌尖胎黃熱邪初傳胃府也當用調味承氣湯如脉浮惡寒表症未盡大柴胡兩解之

黃尖紅根舌



根紅而尖黃者乃濕熱乘火位也瘟熱初病多有此舌涼膈解毒等藥消息治之

舌 尖 白 根 黃 	舌 滿 脹 大 黃 	舌 根 黑 尖 黃 
舌根黃尖白。乃表邪少而裏邪多也。天水散涼膈散合用。如陽明無汗小便不利。心中懊惱者。必發黃。茵陳蒿湯。	舌黃而脹大者。乃陽明胃經濕熱也。症必身黃便秘煩躁。茵陳蒿湯如大便自利而發黃者。五苓散加茵陳。梔子黃連等治之。	凡舌黑根多而黃尖少者。雖無惡症。惡脈誠恐暴變一時。以胃氣竭絕故耳。
舌 尖 灰 根 黃 	舌 根 白 尖 黃 	舌 刺 黑 胎 黃 
舌乃火位。今見根黃尖灰。是土來侮火也。不吐不利。心煩而渴者。乃胃中有鬱熱也。調胃承氣加黃連。	舌根白尖黃。其色倒見。必是少陽經傳陽明府病。若陽明症多者。大柴胡湯少陽症多者。小柴胡湯。如讞語煩躁者。調胃承氣湯。	舌胎老黃極。而中有黑刺者。皆由失汗所致。毒邪內陷。已深。急用調胃承氣下之。十中可保一二。

黃根白尖短縮舌

黃赤白

舌見根黃尖白而短硬不燥不滑但不能伸出症多譫妄煩亂此痰挾宿食占據中宮也大承氣加薑半主之

黑胎舌總論

傷寒五七日。舌見黑胎最為危候。表症皆無此舌如兩感一二日間見之必死。若白胎上漸漸中心黑者是傷寒邪熱傳裏之候。紅舌上漸漸黑者乃瘟疫傳變壞症將至也。蓋舌色本赤。今見黑者乃水來剋火。水極似火。火過炭黑之理。然有純黑有黑量有刺有隔瓣。有瓣底紅瓣底黑者。大抵尖黑猶輕。根黑最重。如全黑者。總神丹亦難救療也。

純黑舌

黑


遍舌黑胎是火極似水藏氣已絕脈必代結一二日中必死切勿用藥

黑胎瓣底紅舌



黃胎久而變黑實熱亢極之藥又未經服藥肆意飲食而見脈伏目閉口開獨語譫妄醫遇此症必掘開舌胎視瓣底紅者可用大承氣下之

黑胎辦底黑舌




凡見辦底黑者不可用藥
雖無惡候脈亦暴絕必死

刺底黑舌




刺底黑者言刮去芒刺底
下肉色俱黑也凡見此舌
不必辨其何經何脈雖無
惡候必死勿治

中黑邊白滑胎舌



舌見中黑邊白而滑表裏
俱虛寒也脈必微弱症必
惡寒附子理中湯溫之夏
月過食生冷而見此舌則
宜大順冷香選用

滿黑刺底紅舌




滿舌黑胎乾燥而生大刺揉
之觸手而响振開刺底紅色
者心神尚在雖火過極下之
則生有肥盛多濕熱人感冒
發熱悶亂痞脹一見此舌急
用大陷胸丸攻下後與小陷
胸湯調理

黑爛自嚙舌




舌黑爛而頻欲嚙必爛至
根而死雖無惡候怪脈切
勿用藥

紅邊中黑滑舌



舌黑有津症見譫語者必
表症時不曾服藥不戒飲
食冷物粘滯于胃也虛人
黃龍湯或枳實理中加大
黃壯者用備急丸熱下之
夏月中喝多有此舌以人
參白虎湯主之

通尖黑乾邊白舌



兩感一二日間便見中黑
邊白厚胎者雖用大羌活
湯恐無濟矣

中焙舌



舌胎中心黑厚而乾為熱
感津枯之候急宜生脈散
合黃連解毒湯以解之

黑中無胎枯瘦舌




傷寒八九日過汗津枯血
燥舌無胎而黑瘦大便五
六日不行腹不硬滿神昏
不得卧或時呢喃歎息者
炙甘草湯

黑邊暈內微紅舌



舌邊圍黑中有紅暈者乃
邪熱入於心胞之候故有
此色宜涼膈合大承氣下
之

中黑無胎乾燥舌



舌黑無苔而燥津液受傷
而虛火用事也急宜生脈
散合附子理中主之

黑乾短舌




舌至乾黑而短厥陰熱極
已深或食填中脘膜脹所
致急用大劑大承氣下之
十中可救一二服後糞黃
熱退則生糞黑熱不止者
死

灰色舌總論


灰色舌有陰陽之異。若直中陰經。則即時舌便灰黑而無積胎。若熱傳三陰。必四五日表症罷而胎變灰色。也有在根在尖在中者。有渾舌俱灰黑者。大抵傳經熱症。則有灰黑乾胎。皆當攻下泄熱。若直中三陰之灰黑無胎者。即當溫經散寒。又有畜血症。其人如狂或瞑目譫語。亦有不狂不語。不知人事。而面黑舌灰者。當分輕重以攻。其血切勿誤與冷水。引頸敗血入心。而致不救也。

灰色中舌




灰色現於中央。而消渴氣上沖心。飢不欲食。食即吐。蛇者。此熱傳厥陰之候。烏梅丸主之。

灰色胎乾裂舌




土邪勝水。而舌見灰黑紋裂。涼膈調胃。皆可下之。十中可救二三。下後渴不止。熱不退者。不治。

純灰色舌




舌灰色無胎者。直中三陰而夾冷食也。脈必沈細而遲。不渴不煩者。附子理中。四逆湯救之。次日舌變灰中有微黃色者。生。如漸漸灰縮乾黑者。死。

灰色根黃尖中赤舌




舌根灰色而中紅尖黃。乃腸胃燥熱之症。若大渴譫語。五六日不大便。轉失氣者。下之。如溫病熱病。惡寒脈浮者。涼膈雙解選用。

舌暈重色灰



此瘟病熱毒傳遍三陰也
熱毒傳內一次舌即灰暈
一層毒盛故有重暈最危
之症急宜涼膈雙解鮮毒
承氣下之一暈尚輕二暈
為重三暈必死亦有橫紋
二三層者與此重暈不殊

舌尖黑灰




已經汗解而見舌尖灰黑
有宿食未消或又傷飲食
邪熱復感之故調味承氣
湯下之

舌滑墨中灰




淡淡灰色中間有滑胎四
五點如墨汁此熱邪傳裏
而中有宿食未化也大柴
胡湯

舌刺乾黑灰




灰黑舌中又有乾刺而見
咽乾口燥喘滿乃邪熱結
於少陰當下之然必待其
轉失氣者方可下若下之
早令人小便難

舌刺乾尖黑灰



舌尖灰黑有刺而乾是得
病後又加飲食之故雖症
見耳聾脇痛發熱口苦不
得用小柴胡必大柴胡或
調胃承氣加消導藥方可
取效

舌少根黃多黑灰



舌灰色而根黃乃熱傳厥
陰而胃中復有停滯也傷
寒六七日不利便發熱而
利汗出不止者死正氣脫
也

邊灰中紫舌



舌邊灰黑而中淡紫時時自嚙舌尖為爽乃少陰厥氣逆上非藥可治

紅色舌總論

夫紅舌者伏熱內畜於心胃自裏而達於表也仲景云冬傷於寒至春變為溫病至夏變為熱病故舌紅而赤又有瘟疫疫癘一方之內老幼之病皆同者舌亦正赤而加積胎也若更多食則助熱內蒸故舌紅面赤甚者面目俱赤而舌瘡也然病有輕重舌有微甚且見於舌之根尖中下左右瘡蝕脈爛癰細長短種種異形皆瘟疫火熱蘊化之所為也其所治亦不同當解者內解其毒當砭者砭去其血若論湯液無過大小承氣黃連解毒三黃石膏湯比類而推可也

純紅舌

紅

舌見純紅色乃瘟疫之邪熱初畜於內也宜敗毒散加減或升麻葛根等湯治之

紅中淡黑舌

淡黑
紅

舌紅中見淡黑色而有滑者乃太陽瘟疫也如惡寒有表症雙解散合解毒湯微微汗之汗罷急下如結胸煩躁直視者不治